



# MPSP

MAJLIS PERBANDARAN SEBERANG PERAI

## 'SOCRATES AWARDS'

ANUGERAH 'BEST CITY' DAN  
'BEST CITY MANAGER'

**BULETIN**  
**MPSP**  
**BIL.02**

**KELUARAN MEI - OGOS 2014**

**BOLING PADANG PIALA YDP MPSP 2014**

MPSP telah berjaya menganjurkan Kejohanan Boling Padang Piala YDP MPSP edisi ke sebelas 2014 pada 30 dan 31 Ogos 2014 yang lalu. Kejohanan berkala ini lazimnya dianjurkan pada bulan kemerdekaan serta sempena sambutan Hari Majlis . Sejumlah 20 pasukan telah menyertai kejohanan ini dengan penyertaan daripada pelbagai kelab dan persatuan daripada negeri Kedah, Perlis, Selangor serta kelab - kelab boling padang tempatan Negeri Pulau Pinang.

Acara dipertandingan adalah acara *Pairs Open* dan pasukan daripada Persatuan *Lawn Bowls* Pulau Pinang dan Pasukan daripada Majlis Bandaraya Alor Setar telah berjaya menjadi johan bersama dalam kejohanan kali ini. Pengurus Sukan Boling Padang MPSP En. Zanzuri Bin Hashim berkata pasukan berasa bangga kerana telah berjaya menganjurkan kejohanan ini selama lebih daripada 10 tahun. Menurut beliau lagi Pasukan MPSP juga kerap menyertai kejohanan - kejohanan luar seperti *Terengganu Opens* 2014 dan *Piala Hang Tuah* di Melaka menguji kemampuan pemain - pemain boling padang MPSP.

20

**MAJLIS PELANCARAN SISA SIFAR & KEMPEN MAKAN SAMPAI HABIS**

Majlis Pelancaran Sisa Sifar dan Kempen Makan Sampai Habis telah diadakan di SMK Convent Bukit Mertajam pada 21 Mei 2014. Majlis ini dirasmikan oleh Puan Maimunah Mohd Sharif, Yang Dipertua MPSP dan dihadiri oleh Puan Hajah Che Azizah Binti Ismail (Pengetua SMK Convent Bukit Mertajam), Ahli-ahli Majlis, guru-guru dan para pelajar SMK Convent Bukit Mertajam.

Sebanyak 32 buah sekolah dan 10 komuniti turut serta dalam program ini. SMK Convent Bukit Mertajam merupakan antara sekolah yang aktif dalam program kitar semula dengan menyertai Anugerah Sekolah Hijau sejak tahun 2010 dan turut dianugerahkan tempat kedua bagi kategori sekolah menengah.

Pelaksanaan kempen ini adalah bertujuan untuk mengurangkan sisa buangan ke tapak pelupusan. Konsep ini turut mengajak supaya orang ramai memaksimumkan kitar semula, meminimakan sisa, mengurangkan penggunaan dan memastikan setiap barang yang dihasilkan dapat digunakan semula.

Tuan Yang Dipertua dalam ucapannya berkata, dengan pelaksanaan program ini, ia nyata dapat membantu MPSP dalam menjimatkan kos perbelanjaan pengurusan sisa buangan. Untuk mencapai matlamat program ini, budaya 4R iaitu *Rethink, Reduce, Reuse* dan *Recycle* perlu diterapkan kepada setiap masyarakat sebagai budaya harian.

Di akhir ucapan, Tuan Yang Dipertua berharap agar pihak sekolah dapat menerapkan nilai-nilai hijau di kawasan persekitaran sekolah dan di kawasan kediaman sejajar dengan matlamat Kerajaan Negeri dalam menjadikan Seberang Perai lebih bersih, hijau, selamat dan sihat untuk didiami.

## *Bengkel Kecemerlangan Wanita*



18



## PELANCARAN BUKU PUSAT KITAR SEMULA KOMUNITI

Pelancaran Buku Pusat Kitar Semula Komuniti telah dirasmikan pada 17 Jun 2014 bertempat di Auditorium MPSP dan disempurnakan oleh Tuan Sr Haji Rozali Bin Haji Mohamud, Setiausaha Perbandaran MPSP.

Pelancaran buku ini adalah untuk memberi maklumat berkaitan kitar semula dan panduan dalam melaksanakan kitar semula dengan cara yang betul. Buku ini juga merupakan laporan kepada inisiatif hijau yang dilaksanakan oleh komuniti dan aktiviti sekolah hijau untuk menjaga kualiti alam sekitar dan kemapanan komuniti.



3

# Taklimat EnMs oleh En.Kasim Ahmad



16



## MAJLIS PERASMIAN PROJEK CSR LANDSKAP TANAH LAPANG TAMAN BAYU MUTIARA

Program CSR (Corporate Social Responsibility) adalah satu usaha dalam merapatkan hubungan antara orang ramai dan MPSP. Pada 7 Jun 2014 yang lalu, satu majlis perasmian projek CSR telah dijalankan bertempat di Taman Bayu Mutiara, SPT. Projek CSR ini adalah kerjasama antara MPSP dan Jawatankuasa Tokong Ang San King dalam usaha membina landskap di kawasan tanah lapang bersebelahan tokong tersebut.

Projek CSR landskap di Taman Bayu ini adalah merupakan antara salah satu daripada 18 lokasi landskap yang tersenaraikan dalam program CSR di kawasan Seberang Perai. Projek yang menelan belanja sebanyak RM 45,000 ini dilengkapi dengan pelbagai kemudahan seperti pondok rehat, trek jogging, padang futsal, penambahan lampu dan pemasangan pagar.

Tuan Yang Dipertua berharap supaya penduduk di Taman Bayu Mutiara dapat menjaga segala kemudahan yang telah dibina dengan baik untuk kegunaan orang ramai. Menurut beliau lagi, program CSR yang dijalankan adalah merangkumi konsep 4P iaitu Public, Private, People, Partnership. Mekanisma CSR dan 4P ini telah banyak membantu MPSP dalam menambahbaik perkhidmatan dengan adanya penglibatan daripada orang ramai. Gabungan kedua-dua mekanisma ini boleh dijalankan dalam bentuk projek dan aktiviti.

Tuan Yang Dipertua juga turut mengalukan agensi-agensi yang berminat untuk mengambil kawasan-kawasan lapang di Seberang Perai sebagai anak angkat untuk dibangunkan melalui program CSR. Turut hadir sama dalam majlis tersebut adalah Y.B. Ong Chin Wen (ADUN Bukit Tengah), Y.B. Kasthuriraani a/p Patto (Ahli Parlimen Batu Kawan) Encik Ang Chai Kooi (Pengerusi Jawatankuasa Tokong Ang San King), Tuan Sr Haji Rozali Bin Mohamud dan para penduduk Taman Bayu Mutiara.

5



Seramai 645 orang peserta dari seluruh negeri Pulau Pinang termasuk peserta dari luar negara telah menyertai pertandingan MPSP Tower Run 2014. Program yang berlangsung di perkarianan Iobi Majlis Perbandaran Seberang Perai ini telah memasuki tahun kedua penganjurannya. Program ini terbahagi kepada 2 kategori iaitu lelaki dan wanita yang melibatkan pelbagai peringkat umur di mana peserta akan berlari sejauh 7km dengan menaiki tangga sebanyak 412 anak tangga.

Penganjuran MPSP Tower Run ini mampu melahirkan masyarakat yang sihat disamping meningkatkan taraf kesihatan dan kualiti kehidupan penduduk. Menurut Tuan Yang Dipertua, dengan penglibatan masyarakat dalam program-program sedemikian, ianya merupakan satu petunjuk yang positif dan bukti sokongan masyarakat terhadap program yang berbentuk kesihatan.

Antara penaja yang telah menaja program ini adalah Bellevue Group, Global Oriental Group, Shop Spot Advertising, CHT, Cap Helang Pagoda, Revive Isotonic Drink dan Vico.



## Isi Kandungan

- 1) MAJLIS PELANCARAN SISA SIFAR & KEMPEN MAKAN SAMPAI HABIS > 1
- 2) PROGRAM KHIDMAT SOSIAL LESTARI HIJAU 2014 > 2
- 3) PELANCARAN BUKU PUSAT KITAR SEMULA KOMUNITI > 3
- 4) PENANG RUN SPU > 4
- 5) MAJLIS PERASMIAN PROJEK CSR LANDSKAP TANAH LAPANG TAMAN BAYU MUTIARA > 5
- 6) MAJLIS PECAH TANAH PROJEK NAIK TARAF SISTEM SALIRAN DI TAMAN SIAKAP SEBERANG JAYA > 6
- 7) MPSP TOWER RUN 2014 > 7
- 8) SAMBUTAN PERAYAAN HARI MAJLIS YANG KE-40 > 8
- 9) YOUTH EXCHANGE PROGRAMME > 9
- 10) MAJLIS PERASMIAN PASAR AWAM PERKAMPUNGAN JURU > 10
- 11) LAWATAN KE MPSP > 11
- 12) MENANAM POKOK BERSAMA KOMUNITI SETEMPAT DI AEON MALL > 12
- 13) PENYERAHAN SUMBANGAN OLEH PUSPANITA > 13
- 14) PERASMIAN PUSAT PENGUMPULAN KITAR SEMULA DI MASJID AT-TAQWA BERTAM > 14
- 15) PROGRAM PERMAI MPSP > 15
- 16) TAKLIMAT ENMS OLEH EN. KASSIM DARI SIRIM > 16
- 17) PROJEK PENGINDAHAN POCKET PARK PERAI > 17
- 18) BENGKEL KECEMERLANGAN WANITA > 18
- 19) WORLD EARTH DAY WALKATHON > 19
- 20) BOLING PADANG PIALA YDP MPSP 2014 > 20
- 21) SOCRATES AWARDS > 21


## SIDANG REDAKSI MAJLIS PERBANDARAN SEBERANG PERAI

\*PENANG  
PUAN MAIMUNAH MOHD. SHARIF | YANG DIPERTUA  
\*KETUA EDITOR  
WAN JUNAIDY BIN YAHAZA

\*PENASIHAT  
TUAN SR HAJI ROZALI BIN HAJI MOHAMUD | SETIAUSAHA PERBANDARAN  
EDITOR  
SALEMAH BINTI AYOB

\*JURUGAMBAR  
SHEIKH ZAKARIA BIN SHAIK AHMAD  
MOHD. FAIZ BIN ABDUL HALIM

## MUKA SURAT



# PROGRAM KHIDMAT SOSIAL LESTARI HIJAU 2014

Program Khidmat Sosial Lestari Hijau adalah merupakan antara aktiviti dalam program Sekolah Hijau. Pada 24 Mei 2014, program ini telah diadakan di Taman Bandar Ampang Jajar, Permatang Pauh dan dianjurkan oleh Sekolah Kebangsaan Permatang To' Kandu dengan kerjasama Majlis Perbandaran Seberang Perai.

Sekolah Kebangsaan Permatang To' Kandu merupakan salah satu daripada 75 buah sekolah rendah yang terlibat dalam program Anugerah Sekolah Hijau dan telah menjadi johan dalam anugerah tersebut bagi kategori sekolah rendah. Sekolah ini juga turut aktif dalam aktiviti-aktiviti komuniti yang melibatkan alam sekitar bersama MPSP.

Pengajuran Program Khidmat Sosial ini adalah merupakan salah satu inti pati yang perlu ada di dalam mencapai pengiktirafan Sekolah Kluster Kecemerlangan menjelang tahun 2015 nanti. Program ini bertujuan membudayakan pendidikan alam sekitar dengan menerapkan nilai murni merangkumi aspek pengurusan, kurikulum, kokurikulum dan penghijauan secara berterusan bagi mewujudkan amalan hidup yang selaras dengan konsep pembangunan lestari.

Antara aktiviti yang dijalankan pada hari tersebut adalah membersihkan kawasan persekitaran, mengecat bahu jalan dan menanam sebanyak 50 unit pokok. Tuan Yang Dipertua menyatakan sokongan terhadap aktiviti-aktiviti sebegini kerana iaanya dapat meningkatkan keceriaan dan kebersihan di Taman Bandar Ampang Jajar dan sedikit sebanyak dapat menarik minat orang ramai serta meningkatkan keselesaan penduduk dan pengunjung taman tersebut.

Program ini telah dihadiri oleh Tuan Haji Mohd Shukri Bin Abdul Rahman (Guru Besar Sekolah Kebangsaan Permatang To' Kandu), Tuan Sr Haji Rozali Bin Mohamud (Setiausaha Perbandaran), Yang Dipertua PIBG, murid-murid serta komuniti Ampang Jajar. Tuan Yang Dipertua menyeru agar pengunjung Taman Bandar Ampang Jajar bersama-sama dengan MPSP dalam menjaga kemudahan yang sedia ada. Beliau juga berharap, aktiviti sebegini dapat diteruskan dengan menarik lebih banyak lagi penglibatan dari pihak sekolah dan lain-lain organisasi dalam dapat meningkatkan kesedaran dan persefahaman di kalangan penduduk Seberang Perai.



## WORLD EARTH DAY WALKATHON





# MAJLIS PECAH TANAH PROJEK NAIK TARAF SISTEM SALIRAN DI TAMAN SIAKAP SEBERANG JAYA



Projek naik taraf saliran di Taman Siakap Seberang Jaya adalah merupakan salah satu daripada projek naik taraf infrastruktur di kawasan Seberang Perai. Majlis pecah tanah projek ini telah diadakan pada 15 Jun 2014 dan disempurnakan oleh ADUN Seberang Jaya, Y.B. Dr. Afif Bin Bahardin (EXCO Pertanian & Industri Asas Tani, Pembangunan Desa dan Kesihatan).

Tujuan utama projek naik taraf ini dijalankan adalah untuk mengatasi masalah banjir kilat di samping meningkatkan kualiti kehidupan dan keselesaan kepada penduduk setempat serta menaiktaraf sistem perparitan yang uzur. Antara skop projek naik taraf sistem perparitan ini merangkumi beberapa aspek seperti saiz parit, kapasiti kolam takungan yang lebih besar dan penurapan semua jalan yang telah dikorek. Kos keseluruhan untuk pelaksanaan projek ini adalah sebanyak RM 1,999,916.15 dan mengambil masa kira-kira 37 minggu untuk disiapkan.

Menurut Tuan Setiausaha Perbandaran, MPSP telah melaksanakan beberapa projek naik taraf infrastruktur di kawasan Seberang Perai pada tahun lalu. Oleh yang demikian pada tahun ini melalui Fokus 2014, MPSP telah menitikberatkan tentang pembangunan infrastruktur dengan merangka lebih banyak projek mitigasi banjir di beberapa kawasan yang kerap berlaku banjir.

Beliau juga menyeru supaya masyarakat setempat bersama-sama membantu dalam menjaga kebersihan di kawasan sekitar terutamanya saluran longkang agar tidak tersumbat bagi mengelak dari berlakunya banjir kilat.



program permai mpsp





## MAJLIS PERASMIAN PASAR AWAM PERKAMPUNGAN JURU

Pasar Awam Perkampungan Juru telah dirasmikan pada 30 Ogos 2014 dan telah disempurnakan oleh Y.A.B.Tuan Lim Guan Eng, Ketua Menteri Pulau Pinang. Pembinaan pasar awam ini adalah merupakan sebuah hadiah daripada Kerajaan Negeri kepada penduduk di Perkampungan Juru bagi menggantikan pasar awam lama yang telah wujud sejak 30 tahun yang lalu.

Pembinaan pasar awam ini telah bermula pada 1 Januari 2013 yang lalu. Pembinaan pasar awam ini adalah penting kerana dengan wujudnya perkembangan yang pesat di kawasan Juru ianya dapat menampung keperluan orang ramai di samping memberi kemudahan kepada penduduk di sekitar kawasan tersebut.

Pembinaan Pasar Awam Perkampungan Juru ini telah direka bentuk dengan elemen-elemen yang berkongseian Bangunan Hijau (Green Building). Dengan ketinggian bumbung yang memudahkan pengaliran udara yang lebih baik dan penggunaan sistem *grease trap* berpusat menjadikan pasar awam ini lebih mesra dan selesa digunakan oleh semua penduduk.

Tuan Yang Dipertua menyarankan pihak persatuan penjaja Pasar Awam Perkampungan Juru agar mengamalkan konsep kitar semula dengan membuat kompos dari bahan buangan buah-buahan dan sayur-sayuran. Ini secara tidak langsung dapat mengurangkan penjanaan sisa di pasar disamping menjana pendapatan para penjaja serta dapat mengurangkan penjanaan sampah ke tapak pelupusan.

Turut hadir sama dalam majlis tersebut adalah Ahli-ahli EXCO Kerajaan Negeri, ADUN, Ahli-ahli Majlis dan penduduk setempat.

